



止園集卷十

延陵吳亮采于甫著

奏疏

虜衆內附邊患稍寧疏

題爲虜衆內附邊患稍寧乞及時大修邊政以永

圖治安事

臣

奉命巡按宣大于今年正月二十

二日入境受事會當三年閱視欽奉專勅令

臣

將三十四年正月起至三十六年十二月終止

一應錢糧兵馬等人事查照先今事理通行所屬地方從實稽查事完奏繳等因而又適值大

此<sub>臣</sub>兼攝學政復屆大計<sub>臣</sub>宜覈官評是役也  
察吏觀民衡文飭武皆責于<sub>臣</sub>至愚極陋之一  
身<sub>臣</sub>朝受命夕飲冰矣竊伏念澄清之要莫先  
于綜覈蒙蔽之習尤甚于邊方<sub>臣</sub>與守巡諸臣  
交相淬勵盡汰靡文遞相責成務臻實效迄今  
十有一月周巡二千餘里而後竣事以<sub>臣</sub>之謏  
劣無似必委其任于各道而以各道之遷調不  
常且總其事于一道頭緒極雜弊孔實多勾稽  
頗詳叅伍必確蓋閱視如邇年之諸邊而耗蠹  
滋矣至今日之兩鎮而心力竭矣此皆

皇上之威靈諸大夫之勞也<sub>臣</sub>何能之有焉惟是三  
年課績入事程材官方之優劣業已得于睹聞  
臺察之激揚何敢恤夫嫌怨其不在閱內與任  
未及期薦難逾額者遵奉

勅諭不敢槩叙提薦列名市恩而<sub>臣</sub>復自矢不徇  
私囑但憑公論必可以上對天日而後可以仰

答

聖明謹據實次第陳之查得分巡口北道右叅政陳  
廉器度渾金璞玉操持茹蘗食冰實意籌邊事  
事綢繆桑土精心察吏人人辨別淄澠奠巖鎮

于盤石之安崇古道于波流之日資深養粹績  
最品優原任大同道左布政使樊東謨精明本  
于忠厚博大濟以周詳修內治而振紀綱將吏  
肅欽約束馭外夷而權操縱犬羊久憚威名巖  
塞長城衝邊節制原任分守口北道按察使張  
我續重器足方鍾呂長材若決江河籌劇鎮而  
氣定神閒盤錯恢乎游刃禦黠酋而威伸恩洽  
金湯屹爾增雄勳懋折衝望隆秉鉞原任分巡  
口北道右叅政張存意才猷百鍊經鑄儀度千  
尋聳壑飭兵防于諸路指撝增絕塞之雄挈戎

索于寸心談笑制狡夷之命功高保塞績著藩  
屏原任陽和道副使秦尚明材堪八面守絕一  
塵籌邊惟有赤心釐奸蝨真如皎日涉世原無  
媚骨遇勁草肯偃疾風大法小廉內安外攘原  
任懷隆道副使任應徵丰裁磊落器度淵涵固  
南障之垣墉未雨切綢繆之計嚴北門之鎖鑰  
望塵消窺伺之謀績懋三年風清一路以上諸  
臣在陳廉德器最厚資俸已深近以四道缺人  
兼綜兩鎮閱務拮据爲甚賢勞倍常所宜特加  
優擢樊東謨等雖經遷秩去任而功在闕內才

望俱隆例得併叙以俟分別陞賚者也至如原  
任分守冀北道左布政使徐準原任陽和道右  
布政使劉汝康已經論察原任分巡冀北道副  
使楊一葵近經糾劾無容別議又如原任分守  
冀北道左布政使張中鴻年當遲暮品似庸常  
仗薦舉于貂璫已籍籍于南臺之糾拾藉保留  
于宗室猶戀戀于北省之譏抨守邊雖有微勞  
棄地尚多遺議先經請告不敢苛求亦不容濫  
叙者也協守大同副總兵計輔質直無私沉潛  
多智心懸社稷愀然抱漆室女之憂望鎮邊

陞慨然奮狼居胥之志干城重器纓弁名流協  
守宣府副總兵盧居智久歷疆場素諳韜畧談  
兵機能數一二望懾羶裘省市賞不啻百千利  
輸筦鑰張弛有體緩急無虞大同北西路叅將  
今陞西平路副總兵李高目如電掣才若雲流  
指揮甲虎騰驤操縱天狼羈帟大同西路叅將  
今陞宣府南路副總兵郭增輝拂羽光流月窟  
揮戈氣躡天驕警息狼烽望隆鵠印宣府下西  
路叅將今陞上北路副總兵張功胤韜鈴諳曉  
孫吳節制雅追韓白威揚闔外名著師中大同

北東路管叅將事副總兵韋子宣馭夷善用寬  
嚴恤士能同甘苦勇稱飛將貞邁丈人大同威  
遠路叅將吳一元守嚴一介謀出萬全旗閑勅  
勒之營笳靜毘邪之塞宣府下北路叅將孫繼  
業倚劍芒寒星斗談兵氣壯風雲綽似儒流允  
稱將種宣府遊兵營遊擊今陞上西路叅將朱  
國良虎嘯雄姿龍驤杰氣擐甲九隲壯壁揚于  
萬里空庭大同標下遊擊今陞北西路叅將張  
萬邦才長導窺守絕營私談兵氣壓千人遊  
風生八面宣府標下叅將黑倉語習象脊術工

狙賦黠虜咸歸羈的衝疆永靜風烟大同標下  
中軍今調南山叅將高策令肅風霆恩霑雨露  
保塞身當鐵壁折衝氣作金墉宣府標下遊擊  
王國臣膽氣奔雷舌鋒綽電素信足孚羯虜赤  
拳遍歷龍沙宣府遊兵營遊擊張國麟才駕長  
風計先未雨駿業已標絕塞鴻名應步齋壇宣  
府標下中軍僉書戴燁料敵四夷指掌抒猷萬  
甲羅胸才裕中權望隆上闡山西行都司掌印  
今陞標下中軍叅將畢應武偉貌軒昂雄風磊  
落分闡夙垂令績登壇佇奏奇勳萬全都司掌

印余世卿清標玉映潔守冰瑩拊摩惠洽疲軍  
酬酢材宜孔道萬全都司僉書管屯王國柱望  
擬輕裘志超統袴守堡威行豺虎司屯節勵羔  
羊山西行都司僉書管屯田中碩志勤運甍業  
紹爲箕居然任事之材允矣投艱之器軍門標  
下遊擊克爲事官李從吉術工表餌識洞機宜  
鞭弭益著新猷簪履當還舊物宣府赤城守備  
今陞陽和標下遊擊王極魁梧偉貌破竹長材  
指撝鶴陣成行籌畫燕然標勒宣府繕房堡守  
備今陞山西行都司僉書張承恩名高虎榜志

銳鷹揚練兵陣擁六花律已操嚴一介大同高  
山城守備今陞山西行都司掌印陳國策雄才  
大畧銳志小心操修迥絕纖塵捍禦堪資劇鎮  
大同威遠堡守備今陞宣府懷來遊擊鍾應乾  
嚴四畏以明操勵一勤而任事當機不眩乘障  
多勞軍門標下管旗鼓守備劉觀旃守如執玉  
才類走珠談兵勇若天成應務捷如神授宣府  
鎮安堡守備李承勳解推拊士櫛沐行邊龍泉  
風雨夜鳴鴈塞烟塵晝息大同威虜堡守備今  
陞殺胡堡僉書許世臣真純之性老練之才施

爲井井有條建白繩繩可聽宣府滴水崖守備  
郭登選精瑩匣劍韜芒犀利囊錐脫穎恩孚營  
壘績著臺隍大同拒門堡守備劉啓元殫心任  
事約已恤軍繕埤雉堞雲連徹土龍沙風靜大  
同朔州城守備牛荷重妙畧能排鴈陣壯心欲  
掃狼居不忝武科雅稱儒將大同左衛守備魏  
世德壁屯虎落办解牛庖嚴巡風靜潢池奮勇  
氣吞瀚海宣府西陽河堡守備王道振英英偉  
度赳赳雄才恩孚士有椎牛威振胡無牧馬大  
同平遠堡守備馬江神閒緩帶技擅操弧翩翩

大樹之風隱隱前茅之望宣府順聖川守備程  
一麟恢宏器度卓練才猷釐奸綽有擔當持已  
毫無濡染以上諸臣見任者通閱三年陞調者  
總居兩鎮均應酌量陞賞而副總兵計輔忠肝  
義膽卓識宏猷非尋常武弁之流宜亟膺大將  
之選者也原任宣府東路管叅將事副總兵今  
陞任茹宗湯虓虎雄姿殪兇絕技紀律夙稱有  
制威名可號無雙原任宣府東路管叅將事副  
總兵今陞任張國柱冠玉清標飲金勁氣八載  
勞深戎幕一時品壓將壇原任宣府上北路叅



將今陞任王宣氣槩沉雄謀猷鎮定指顧二軍  
改色折衝九塞銷氛原任宣府南山叅將今陞  
任楊元吉秀氣霞明敏材電爍壯志期標麟閣  
雄名夙震龍荒原任標下遊擊今陞任曹崑山貌  
雄虎視胸富龍韜按劍萬夫莫當發矢三山可  
定原任邊兵營遊擊今陞任唐堯輔丰神矯健  
志趣高明揮戈決勝龍庭鳴鏑揚威鴈塞原任  
大同雲石堡守備今陞任劉喜高秘陣法傳風  
后巧弓技邁紀昌月竈歸營霓旌肅隊原任宣  
府靖胡堡守備今陞任李朝勳追風逸足破浪

雄心當機亦有餘游笑敵燭無遺照原任大同  
渾源城守備今陞任胡從化冠軍偉畧國士英  
風韜傳圯上之書謀借席前之箸原任大同保  
平堡守備今陞任倪承勳一身是膽滿腹皆兵  
聞輦勝氣籠霄決策長風入劍原任大同天城  
守備今陞任孫思烈恢宏噐宇明達才猷神閒  
轂擊之途志勵繩趨之守原任宣府長安堡守  
備今陞任王礪偉抱雅工書劍清修迥絕風塵  
緩帶臨戎解衣恤士以上諸臣先後雖經遷擢  
閱中備極賢勞例應竝叙以俟賞賚者也又訪

得大同西路管叅將事副總兵許大成殖貨若  
蟻聚羶馭下如羊斯狼占軍匠而扣糧罔利侵  
屯地而漏稅營私散馬倍索價銀但識椎膏吸  
髓通夷販買木植那知啓釁興戎大同西遊兵  
營遊擊馬仲譽一味貪饕百方漁獵占役冒支  
有據科求扣剋無厭因遺薦而憤憤不平乃託  
疾而悻悻欲去宣府中軍團營周時雍齷齪庸  
流卑汙賤品專城巧爲蠶食坐鎮大肆狼貪怒  
沸三軍穢騰十部大同鎮邊堡守備姜慶一貌  
梟雄滿腔狼毒冒丁占籍惟懷有我之私狡虜

踰墻如入無人之境邊防不設賄賂滋章大同  
弘賜堡守備今調應州楊于庭識乏韜鈴志圖  
囊橐事事專工罔利念念惟在剝軍調未盡辜  
斥斯稱快宣府廣昌城守備魯文奎破甑未全  
寸籌莫展唯吸三軍之膏血何知一路之安危  
謗譏蝟叢賊私狼籍大同靖虜堡守備福大忠  
謏謏無能眈眈有欲占匠役而索班價隨處搜  
求種官地而役貧軍盡人怨恨大同山陰城守  
備安國相才匪干城行同市井百般剝取雞犬  
爲之不寧一意誅求饕餮何其無厭原任宣府

全道城守備趙邦禮出身門役混跡戎行沐猴  
而冠安陵尚多遺臭營鬼之窟孔方賸有餘貲  
亟禡堯鑿還歸籍孺原任大同陽和城守備張  
椿虛生七尺不識一丁術善彌縫倚稅監而漏  
網賊多敗露賄把總而束裝難掩旁觀久騰多  
口原任宣府鎮安堡守備郭大奇材同樗櫟志  
溺苞苴倒官馬而扣糧爲利不問傷人賒市酒  
而浪飲爲懽豈云好客恣睢不檢貪縱無知原  
任大同鐵山堡守備張光折衝志短射利心長  
夷虜認爲尊親廉耻掃地私揭暗投公牒奸宄

瞞天防檢全疎官箴已壞以上諸臣怕外愛錢  
錮習久而難變剝下媚上交征習以爲常不可  
勝誅去其太甚均應革任回衛而許大成之通  
夷販木欺公漏稅姜慶之縱虜扒牆違禁出口  
關係邊情尤難姑息所當提問以警奸玩者也  
至如軍門標下中軍副總兵王志寶用事於鄭  
經畧之門被論於張給事之疏穢聲久著善狀  
無聞但因其諳曉夷言交關會婦暫爲使詐之  
用聊結封王之局而封事不就伎倆已窮欲蓋  
前愆當圖後效宣府中路管叅將事遊擊張克

實尅軍占役噴有煩言修邊督工頗效勞勩功  
過或可相準惟是青邊口失事該路與有責焉  
彼時尚多隱隱之情今日迄無罰服之議惟慮  
戎心或啓罔知國法當明若謂殺者自殺賞者  
自賞言者自言行者自行恐憲紀益就陵夷而  
邊事終難收拾矣此二臣者或宜量加戒飭姑  
容策勵以俟再議者也查照上閱所薦四十五  
人臣今薦四十六人上閱所論十人臣今論十  
二人又薄糾二人臣非敢過求也凡所舉刺皆  
由司道揭報叅以臣所見聞其所報賢者尚多

臣可得而裁之其所報不肖者既確臣不得而  
庇之何也見賢而不舉猶可徐俟于異日見不  
肖而不去豈容姑待于來年此臣所以多任  
怨而不敢多任德也夫將吏責任安攘其功罪  
法宜甄別部臣職專饋餉其賢能例應薦揚查  
得原任宣府管糧郎中丁憂杜詩器度溫文心  
思縝密握筭錙銖不爽歡聲載動乎三軍度支  
出納惟明勞績獨深于諸鎮原任大同管糧郎  
中陞任陳其猷礪操瑩如完璧持籌獎絕漏卮  
調停而緩急得宜戰士咸資果腹節縮而毫釐

必慎良工獨抱苦心原任宣府管糧郎中陞任  
王畿璠璵德器奎璧文章展采以佐計曹念念  
裕民裕國握符以奠巖塞惓惓足食足兵原任  
宣府管糧郎中陞任黃道亨秀臨玉樹寒徹冰  
壺懲耗蠹而銳志剔釐共羨風清弊絕值匱詘  
而多方劑量猶看士飽馬騰原任宣府管糧郎  
中今陞分巡冀北道僉事楊述程冲襟偉抱邃  
識細心學貫天地人胸羅星斗政先兵食信釁  
息癸庚佇茂新猷宜爾舊績見任大同管糧郎  
中曹璉學本家傳材稱國器供億時而芻茭有

備三雲露潤貔貅會計當而綜核無遺一日風  
清狐鼠已上諸臣先後踐更勤勞在閱俱應竝  
叙以需崇擢者也其例應優叙者又得之總鎮  
之臣焉見任大同總兵官焦承勳昂藏偉貌揮  
霍長材傳宣令迅于風霆簡練兵雄于虎豹識  
虜情之順逆羈縻剩有全籌孰邊地之險夷修  
守恒操前著望先諸將績懋三陴原任宣府總  
兵官王國棟峻嶒俠骨叱咤雄姿練兵而陣演  
六花肅隊而威揚七萃調欵夷若臂上之鷹縱  
操如意革冗役清目前之蠹節約苦心昭代元

戎漢家飛將此二臣者雲中最著閩內久勞所  
宜陞級厚賚者也其例應特叙者又得之督撫  
之臣焉見任巡撫大同右副都御史霍鵬純心  
體國壯志籌邊秩秩遠猷抱金城之方畧巍巍  
宿望儼銀夏之威名遜懷赤舄之心敬信可孚  
九貊儉守素絲之節委蛇無愧五紽三雲賴勝  
筭以奠安壯泰山四維之固羣醜望先聲而懾  
服明

天朝一統之尊節鉞殊勲樞衡重品原任巡撫宣府  
右副都御史連標勁氣凌霄丹衷貫日矢武侯  
盡瘁鞠躬之節無二爾心修姬公未陰徹土之  
防不一而足革占濫汰冗靡三尺嚴而風清兎  
窟簡騎乘蒐士卒五兵飭而威振龍沙提戎索  
而玩天驕總歸股掌壯長城而奠地軸悉費精  
神露薤方晞泉臺未暝見任總督宣大山西右  
都御史馬鳴鑾含靈命世體道匡時爲憲萬邦  
經以文而偉以武提衡三鎮外則攘而內則安  
戰欵合操縱之宜神機在九天之上九地之下  
先後兼督撫之任最績已期月而可三年而成  
烽燧不驚定萬世華夷之限氛祲盡掃紆

九重宵旰之憂忠簡

帝心揆留 穹眷原任總督宣大山西兵部尚書楊  
時寧兩間正氣一代偉人素節清標矯矯絕塵  
之品丹心皓首倦倦報國之忠經畧三陲籌畫  
皆千百年至計綢繆八載興除洵億萬世宏謨  
兵精食足信孚績茂攘夷安夏功成名遂身退  
風堪立懦廉頑舊勲應繪麟圖新渥佇頒鳳詔  
此四臣者功垂 社稷身繫安危在

皇上必有殊恩非微臣所敢擅擬而連標積勞身殞  
情尤可憫其望恩恤爲更切也伏乞

勅下兵部查覈覆議上請施行則勸懲之典孔彰  
疆場之臣益奮其有裨于邊政非淺矣

恭報修完衝堡關城疏

題爲恭報修完衝堡關城併叙效勞官員以昭激  
勸事奉都察院巡按口北三十二號勘劄准兵  
部咨該宣大督撫官馬鳴鑾等題前事俱移咨  
轉行宣大閱視巡按御史將前項修完工程用  
過錢糧從實查勘一併具奏以憑覆請施行等  
因備劄前來臣欽奉

勅諭案行陽和兵備及分巡口北道互相查覈造

報等因查得三年之內在事效勞大小文武諸臣除革任事故者不議外其餘例當分別叙錄如宣府東路管叅將事陞任副總兵張國柱茹宗湯宣府下北路今調大同北東路管叅將事副總兵韋子宣宣府上北路陞任叅將王宣南山陞任叅將楊元吉下西路陞任叅將張功胤下北路叅將孫繼業大同東路叅將調任李高見任于翔儀宣府中路遊擊張克實東路遊擊調任陳效見任鍾應乾以上十二臣董六師而設險趨事如雲崇百雉以峻防告成不日均應

叙資宣府上北路同知屈受善大同東路同知梅燮宣府東路丁憂通判鍾汝用中路通判王陞署上西路同知事南路通判張鳳習帶管下西路通判事陞任理刑同知張應泰大同中路通判裴文炳南路通判郭如崧大同縣陞任知縣孫體元以上九臣綜覈工程肩然勞而任事稽查錢穀裁冗靡以濟時均應併資宣府獨石城守備郭朝臣綜工原任遊擊李朝疆萬全右衛城陞任守備孫諫西陽和堡守備王道振滴水崖堡守備郭登選龍門所城守備王之麟鎮



上圖集 卷十 十五  
安堡守備李承勳赤城堡陞任守備王極大同  
鎮羌堡守備楊欽應州城陞任守備田中願懷  
仁城守備郝玉卿天城陞任守備孫思烈瓦  
窰口堡陞任守備李應科見任守備劉國鏞宣  
府南山柳溝城操守湯鶴齡灰嶺口千總調任  
李化吾見任李應科以上十七臣鳩工不懈始  
終惟期底績歷事再更寒暑邊復辭勞均應量  
加叙賚張家口堡陞任守備任自謙見任宋德  
成洗馬林堡陞任守備頗廷相龍門所城陞任  
守備朱名臣長安嶺城守備鄭登瀛葛峪堡守

備刑朝恩靖胡堡守備李朝勳保安新城守備  
王世興周四溝堡操守顧尚文常峪口堡操守  
余世爵大白陽堡操守傅邦彥隆門關堡防守  
劉用中寧遠堡防守王承恩劉斌堡防守黃中  
色黑漢嶺堡防守閻可大金家莊堡防守趙應  
寅管工大同府經歷曹守高中軍坐營千把總  
指揮千百戶等官李繼先王應祥陳應魁張明  
進康濟國楊繼爵谷經楊維藩柴應武朱國胤  
李汝松孫光啓焦思儉趙縉王選朱鎮周世傑  
劉永祿沈繼先王承業翟承恩許傑張應選楊

國臣高承恩江應坤劉漢義盧選閻漢英周鎮  
都張仲舉陳策孔一貫郝思孔李世臣徐誨楊  
官馬一龍王揚威賀堂楊勇魏高孫大用段繡  
展張勇張桂王友賢員朝卿楊崇忠路民德卞  
繼儒梁尚賢楊廷俊以上七十臣胼胝各任其  
勞拮据同臻厥績俱應照例行總督軍門分別  
獎賞分守口北道陞任按察使張我續曾富甲  
兵才戡節鉞保障功垂于百禩安攘望重于一  
時分巡口北道丁憂右叅政張存意慮周盤石  
身作長城崇墉與介節高騫厚餉以先籌克集

見任右叅政陳廉守絕一塵材經百鍊籌畫裕  
尊夏攘夷之畧經綸悉安邊固圉之圖懷隆兵  
備道陞任副使任應徵鴻儀標格駿發才猷勞  
來親瓦礫之勞修繕壯金湯之勢陽和兵備道  
陞任副使秦尚明巍峩偉節凜雪清操決獎實  
淨若掃塵奩衝疆慮先增壘分守冀北道聽調  
左布政使徐準慮切衣初謀深桑土工作堪垂  
永賴金錢曾鮮虛糜告病左布政使張中鴻心  
思縝密器度宏深拮据百計惟精率作寸衷獨  
苦陽和兵備道聽調右布政使劉汝康才兼文

武政合寬嚴激勸士鮮後時區畫功垂必世分  
巡冀北道聽調副使楊一葵才能集事智足當  
幾三雲高修繕之功數載效馳驅之績宣府戶  
部管糧丁憂郎中杜詩德聳瑤林之粹度涵玉  
海之清餉糈惟時工程有賴陞任郎中王畿清  
心玉映朗識珠懸刻期支放無私計日修營底  
績陞任郎中黃道亨雅望擅時貞操絕俗闔鎮  
兜鍪露潤諸邊春鍾雲興先任郎中今陞分巡  
冀北道僉事楊述程懷瑾握榆粹抱飲冰茹蘗  
清操望重度支功新保障大同戶部管糧陞任

郎中陳其猷德器沉雄鎮定才猷膚敏恢宏虎  
旅霑恩龍城增險見任郎中曹璉雄文華國雅  
志籌邊士無庚癸之呼人竭子來之力鎮守大  
同總兵官焦承勲材猷敏裕智識沉雄恩威合  
而令肅三軍籌畫精而功垂萬杵鎮守宣府總  
兵官調任王國棟丰姿偉挺意氣激昂往來周  
荒度之謀夙夜矢劬勲之力以上十七臣所當  
優賚者也巡撫大同右副都御史霍鵬厚重山  
凝精瑩冰潔至誠動物推赤心可置人腹中實  
意修防畫青邊如視諸掌上提挈颺馳霜肅坐

銷沙漠之塵撫綏露湛春溫大造邊陲之命先  
任巡撫大同右僉都御史丁憂張悌中土伏龍  
南陽瑞鳳察機宜朗如著蔡運籌策較若權衡  
白登灣店之垣墉版築已堅垂一勞而永逸青  
海陰山之節鉞蒲輪尚駕佇再起而宏施總督  
宣大山西右都御史馬鳴鑾忠貞夙抱英智絕  
倫錦心繡口文章駕海擎天手段經營百世庇  
窮民之祈寒暑雨真如廣夏千間保障三邊禦  
黠虜之豕突狼奔允矣長城萬里 新恩浣被  
舊績兼隆先任總督宣大山山西兵部尚書致仕

楊時寧嶽降甫申世推伊呂令驅雷電轅門集  
龍虎之英節凜冰霜幕府絕狐狸之跡績奏汾  
陽二十四考雅志懸車曾藏仲淹數百萬兵膚  
功汗簡羣虜久聞其名姓四夷猶問其起居以  
上四臣所當首叙者也及查徐準劉汝康楊一  
葵俱係聽調張中鴻已經請告與陞任丁憂各  
官凡在閱內效有勤勞功難盡泯亦應總叙者  
也再照今次叙錄諸臣比前閱名數稍溢蓋因  
上次三年內報完工程經管官員隨時勘覈陸  
續奏請先行賞賚嗣因按差久缺工完積多俱

未題叙茲值閱視總覈之年所據效勞大小文武官員例應通行併錄伏乞  
勅下兵部再加查擬覆請施行

道臣曲庇罪弁疏

題爲道臣曲庇罪弁挾制問官謹據實糾叅懇乞  
聖明亟賜議處并

勅法司提勘以完前件以杜後患事臣衙門奉都  
察院勘劄准刑部咨題奉

欽依會勘原任總兵麻承恩被論事情經今七年抗  
匿不結臣于廢將冒糧疏內一言及之隨見兵

部申飭勘問事宜奉有

明旨近來提問行勘各項該承行官多視爲故事遲  
延不報法紀奚存以後都著依限回奏違的著  
各該部科查叅來說欽此臣見之不勝兢懼隨  
行牌大同道催提謂從來朝廷無不行之法撫  
按無不結之局麻承恩屢次拒提托疾抗

旨事關回奏誰任查叅如文到五日不行提解先  
將該衛掌印官解院以憑題叅等因於是承恩  
始飾巾扶杖投到聽勘而不意有陽和兵備道  
右叅議袁和者甚可異焉移書承問官分守口

北道右叅政吳鍾英有云麻承恩生長邊方神通廣大不但能鼓煽內地且能起釁外夷必須寬之等語臣聞之不勝駭愕夫人臣奉法守職遵

旨勘罪惟公惟虛不枉不縱但知國憲何問神通且其所謂鼓煽內地者不過揮金行賄反間中傷臣雖雞肋甘爲魚肉乃其所謂起釁外夷者尤不可解以堂堂督撫彈壓於上濟濟司道巡防于下而一廢閒總兵遂能操外夷叛服之權執中國安危之命吁亦大可畏矣但使該道聊

設恐嚇之言故爲挾制之術也猶可若果有此事則關係不小卽不奉提勘尤宜早爲剷除安得輕啓狐疑之端終遺養虎之患乎夫承恩之被論也其事之虛實罪之輕重未可懸斷承問官方且徬徨三思躊躇四顧則此事終無可結之局而邊鎮且有叵測之憂寧不爲之寒心哉故臣謂若袁和者其言實則爲挑禍其言虛則爲庇奸無一而可所宜亟爲議處者也伏乞

勅下吏部再加查覈如果原書可憑臣言不謬亟將袁和議處以爲道臣翫法徇私之戒其麻承

恩事情道府據難勘問弁乞

勅下法司行提勘結不但法紀昭明臣工悚惕而前件易完後患亦可永杜矣

集衆思條十議以裨邊政疏

題爲集衆思條十議以裨邊政萬一事臣惟國家

莫重于邊防而擁護

陵京戒嚴保障九邊尤莫重于宣大臣奉巡閱之

命業已一周由採訪以來寧渠千慮凡事可徑行無煩瀆請卽名爲申飭終屬浮談徒削牘以叩閹僅空文之掛壁惟是關係頗切簡要可從者

據各道之欸陳酌兩鎮之急務列爲十策少佐一籌雖海嶽無藉於涓埃而桑土用資乎陰雨卑之無甚高論行矣不在多言伏乞

聖明採納

勅下該部再加詳議亟賜施行邊疆幸甚臣愚幸甚

計開

一修險隘以衛

陵京夫易稱山川丘陵記載溝池城郭設險守國自古尚之况密邇

陵寢切近京師尤萬年之基四方之極也前按臣  
連標喬允升題修火焰山南山一帶邊牆皆有  
深長之慮近奉兵部咨准薊遼總督王象乾查  
議接次墩邊牆備行該道勘詳臣復躬親相度  
接次墩者昌鎮與宣鎮之接界也墩以南屬昌  
鎮牆高而厚石脚甃頂允稱長城惟墩以北至  
鎮北新墩屬宣鎮南山新墩以北至黑山頭屬  
宣鎮東路牆卑且薄更多傾頽虜由口外粉子  
嶺入可以掠薊亦可以掠宣一邊有瑕兩鎮受  
害誠不容互諉而緩計也查得接次墩至鎮北

新墩共牆四百丈新墩至黑山頭共牆五百二  
十五丈高厚必如昌鎮計費銀四千六百二十  
五兩米四萬六千二百五十石又查得宣鎮額  
設鹽課銀每年四萬八千兩原備修邊之用轉  
解戶部積欠未發儻肯捐一年之額便可貽萬  
世之安卽火焰山南山工程合此乃稱十全庶  
屏翰益周而根本鞏固矣 一嚴界限以別華  
夷夫書謹蠻夷猾夏詩稱獫狁于襄申畫慎守  
自昔重之我國家防邊最嚴斥堠有大邊以捍  
於外有二邊以護於內法甚善也乃和款以來



有所謂守口夷人者駐牧墻下受我月賞外之  
賊夷賴其覺察內之通事用爲鄉導始稱兩便  
嗣後彼此相習畧無嫌忌漸而移入大邊矣漸  
而逼近二邊矣軍士每遭其攘奪守哨不便于  
往來初狎其易與而玩不必驅旣懼其生釁而  
畏不敢驅日復一日莫可誰何況已入我藩籬  
尤能窺我虛實戎或生心必爲內應封疆之禍  
尚忍言哉合無嚴責將官多方諭遣或甘言以  
慰之或斷賞以挾之如果冥悍不從趁今虜王  
嗣封申明約法悉令退居邊外然後查照額設

軍士盡赴墩臺常川瞭望各將官仍不時點查  
悉心撫恤痛洗一切剝削納辦之弊共計安攘  
庶烽燧常明而邊釁永杜矣一改屯徵以清  
逋累夫屯政之弊極矣屯糧苦于兼徵尤苦于  
帶徵兼徵者三稅並徵于一歲皆係積逋帶徵  
者見年補徵于前年尤滋宿弊蓋因萬曆九年  
丈量耽延萬曆十七年災荒拖欠以致本年屯  
糧徵派題叅俱在三年之後無論官旗更換人  
戶遷徙完欠任其混冒先後惟所那移乃耕者  
不必入賦而賦者原非逋租之人已難稽查去

任者例免題叅而見任者又非題叅之年不無  
躲避故欲清前弊必須當年見徵蓋收本地之  
子粒辦本地之稅糧勢固甚便據本年之完欠  
完本年之叅罰罪亦無辭乃說者曰從前逋負  
盡從蠲免殊駭聽聞不知年復一年總是此數  
欠猶是欠奚取虛名孰若棄萬年後之所必捐  
不復留旁實以滋弊而徵一歲中之所易辦且  
得稽定額以催科爲尤便也儻謂厚蠲非訓恐  
生民心或每年帶徵舊租一二分而見年者必  
以九分爲足額否則題叅如例此亦省便直截

徹底一清之法也 一恤鹽商以裕儲峙夫鹽  
法之壞久矣鹽引沮于浮課尤沮于存積浮課  
始于二十年而正引且壓十年之久存積名爲  
八萬引而實數不啻二十萬之多且不俟挨單  
號稱超掣不受盤驗任意挾攜例引五百七十  
斤而今已倍至二三千斤矣行鹽之地無增食  
鹽之口有數壓引減值求售不能孰不牟財誰  
堪失利故欲開商中以裕邊非遵

祖制而疏引必不可得之數也至於宣府額中淮鹽  
十三萬九千五百八十八引每引輸銀五錢蘆

鹽七萬五千五百二十五引每引輸銀二錢嗣後奸商張承公欲專邊商之利赴部告加蘆引一錢歲加銀三千七百七十二兩五錢四分三釐扣除年例奸商失利裹足他徙而此額遂爲邊商不可卸之苦擔矣然而原非

祖宗創法之舊也大同業已告減宣府猶然僞增目今餉部已積一十二萬八千餘引派散不行留爲故紙矣合無速議一體減去以示存恤若謂大倉歲損三千七百餘金宜惜也則分司見積十二萬引虛擲五萬餘金不尤可惜乎博捐帑

之令名收通商之實利此亦斟酌損益急拯一時之策也 一酌人衛以裨實用先是古北失守議調各鎮客兵防薊春往冬歸此更彼踐軍有糧馬有料費甚鉅也藉令果有裨益何惜馳驅乃令軍僮馬羸徒克名數舊軍回衛未息新軍兌馬卽行喘喙無停晷矣臙壯者百無一二瘦弱者十有八九奄奄待斃倒死過半馬無征操之用軍有買補之苦虛糜芻粟隱報損傷徒授奸弁以侵漁之資該鎮曾得其絲毫之益否乎或謂專練土著免調客兵卽以所費行糧募

山園集 卷一  
三十一  
勇敢于彼中何兵不勁何敵不殲事關

廟謨未敢輕議獨計虛名無用實費不貲國紬尾  
閭那堪再洩卽軍難遽撤馬宜量裁或馬步相  
兼所省無算又不然而變通于時勢之窮那移  
於別營之內堪用者隨軍入衛不堪者估賣變  
銀卽將此馬草料自九月至三月約有半年扣  
銀貯庫給軍買補則軍不苦于賠累馬不至于  
疲駑庶乎營伍改觀而捍衛且可恃爲緩急也  
一勤補修以省虛費先是俺荅欵貢議修各邊  
緊要垣墻初意數十年後在在可成金湯而東

築西傾昨修今圯歲歲營繕終無了期則以修  
築之難不勝其傾圯之易也然推原傾圯之由  
豈盡修築之不堅或亦補葺之不時耳蓋垣墻  
非頃刻立壞也或先有斯須瑕壘而後披塌隨  
之今日盈尺明日且尋丈矣乘其將壞而亟補  
之于勢便于財省迨其旣壞而後圖之于財費  
于力勞此不待智者而後知也無亦謂零星補  
葺安所報功不議錢糧何從乾沒于是有樂其  
披塌希圖估修者興言及斯良可痛恨合無令  
各路將領嚴督守操等官將所管垣墻墩臺逐

一驗看不時修葺或勢將摧裂作速補苴凡陞  
遷交代之日如查盤倉庫之例覲面踏勘但有  
傾圮責令修補完好方許離任至于新建工程  
亦立追論之法但在三年之內披塌者雖已去  
任仍行叅提賠補庶乎人心知警而工程且可  
垂之永久也 一復巡檢以靖要路夫宣雲兩  
鎮唇齒相連州衛一城犬牙相制

國初分疆必有深意而無奈後之懈弛也雲屬蔚  
州在鎮東三百里與宣鎮南路接壤神通溝實  
界于其中溝長四十里山險路僻盜賊縱橫商

旅經行屢被劫殺一有失事彼此推諉蓋緣地  
界先不分明以致巡防迄無專責近經臣行兩  
道委官勘定畫界立碑各守信地防禦或有分  
任矣及查此地南通倒馬關東通紫荆關實爲  
畿輔孔道舊設有巡檢司萬曆十一年裁革今  
日似宜復設專司禦盜之責其俸糧弓兵等項  
所費不多兩鎮查例酌派亦無難處一官設而  
兩鎮無虞不但賊盜驅除地方寧靜卽爲將來  
防虜間諜亦至計也 一復守備以捍衝堡夫  
雲州一堡南接赤城北鄰獨石鎮安東峙馬營

西連蓋宣府上路之咽喉也昔年置守禦一所  
設守備一員統領官軍一千五百餘名以彈壓  
之良有卓見自萬曆二十一年兩河中虜遂移  
守備于鎮安壯馬健丁強半隨去所遺疲卒不  
足以任耕穫鬻產賠糧而逃竄者接踵矣駑乘  
不足以供郵傳竭力走差而倒損者駢首矣軍  
民彫劫城市蕭條無論有警之時保守爲難策  
應何賴卽今公差絡繹夷使往來糧運經行援  
兵駐劄苦累已極亟宜救援查得本堡近年開  
除逃故軍三百九十九名萬億庫扣汰駑馬四

十五匹合無照數勾募買補以實營伍又於三  
路各城堡逃故軍士倒死馬騾內酌量大小摘  
撥軍二百名馬騾一百匹改附本堡仍舊設立  
守備一員督率訓練無事則借力開墾有警則  
犄角應援一官設而四面有賴不但賦役稍甦  
封疆慎守卽爲往來應付幫助亦便策也一  
移路將以便彈壓查得大同中路殺胡堡與虜  
僅隔一墻號稱極衝夷漢互市交易虜酋講事  
討賞皆由此口出入且逼近免河每遇霖雨水  
漲隕垣激石一衝百丈無異通衝旋築旋傾最

難提守萬一胡馬闌入乘勢長驅豈一守陴之  
力所能控制卽羽書飛于營中突騎馳于墻下  
歷塊過影趨利則蹶必無幸矣及查本路將官  
駐劄右衛而本衛原設守備已堪防禦合令將  
官移駐殺胡堡就近調度卽虜不渝盟承平無  
事而市賞講折將官體尊貌優兵強力壯虜尤  
畏服彈壓爲便蓋以墻爲守不若以人爲守以  
守備爲守又不若以叅將爲守此不必添兵增  
餉而一轉移間衝堡且安如磐石矣 一裁冗  
員以祛占員查得延慶州城東至永寧西至懷

來各四十里南至柳溝僅二十里俱設有叅遊  
守備等官本州見有知州一員五馬筭篁堪寄  
媯川之鎖鑰三方保障不乏周壘之貔貅而又  
設守備一員僅筦魚鑰空握虎符事簡而鳥下  
空庭俸薄而魚懸傳舍且其分管衛所旗軍一  
百五十名多被士夫生員占役祇供呵殿款門  
又安用此冗員爲也合行裁革或移置守備于  
雲州堡用資捍禦而以雲州堡防守移置延慶  
管理前項事務蓋與其以有用之人處于無用  
之地不若以有備之計防于無患之時此不必

增官加俸而一更調間長材不置如贅疣矣





